



09890

後漢書疏證卷十四

吳

沈欽韓撰



左馮翊

長安志後漢左馮翊自長安出治高陵魏志魏畧李義傳

建安初關中始開詔分馮翊西數縣為左內史郡治高

陵以東數縣為本郡治臨晉魏志鄭渾傳渾遷左馮翊

趙青龍者殺左內史程休渾聞遣壯士就梟其首渾之

為左馮翊在建安時也使非魏畧讀陳壽此傳何從知

之不良之史其典章散佚者多矣

高陵

後漢書疏證卷十四

一

元和志京兆府高陵縣魏文帝改為高陸大業二年復

為高陵通典其縣在今縣西南一里高陵故城是也後

魏移于今所地形志魏明帝長安志魏隸京兆郡地形志高

陸為馮翊郡治長改高陸者非古縣城周七里崇一丈五尺濶四丈

姚興墓在縣東十三里符秦載記高陸人穿井得龜大

池養之及死藏其骨于太廟廟丞高虜夢龜謂三尺背有八卦文堅命太僕卜

池陽

元和志京兆涇陽縣本漢池陽縣故城在今縣西北二

里長安志苻堅于今縣東南二十八里置涇陽縣後周

建德中省池陽縣隋徙縣隸雍州即今縣也石泉原在

縣西南七里崇二十丈東西三十八里南入咸陽界崔
鴻前秦錄曰苻健攻張琚于宜秋還登石安泉而歎曰
美哉斯原悵然有終焉之志長平坂在縣西南五十里
俗名陸城坂按地形志咸陽郡有石安縣蓋取原爲名
又通典京兆府三原縣漢池陽縣地符堅于嶽薛山北
置三原護軍後魏罷護軍置三原縣元和志以其地西
有孟侯原南曰豐原北曰白鹿原後魏孝昌三年蕭寶
夤逆亂毛洪賓立義捍賊永安元年于此置北雍州洪
賓爲刺史亦謂之洪賓柵其故城在縣北五十五里黃
白城在縣西南十五里秦曲梁宮在縣西南黃白城內

後漢書疏證卷十四

二

80X

長安志六輔渠兒寬爲左內史奏請穿六輔渠以益漑

鄭國旁高卬之田圖今雲陽三原兩縣界此渠尙存

通鑑

升平元年姚襄圖關中引兵進據黃洛秦主生遣苻黃眉鄧羗等禦之襄堅壁不戰羗謂黃眉曰襄爲桓溫張平所敗銳氣盛矣然爲人強狠若鼓譟揚旗直壓其壘彼必忿怒而出可一戰擒也襄果怒悉眾出戰羗陽不勝而走襄追之至于三原羗迴騎擊之黃眉等以大眾繼至襄兵大敗所乘駿馬曰鷲眉駟忽倒秦兵擒斬之又寰宇記雍州醴泉縣漢谷口縣地在九嶼山東仲山

西漢書作中山得寶鼎處當涇水出山之處故謂之谷口後漢及

晉又爲池陽縣隋改爲醴泉其城卽古仲橋城也按晉書載記劉胤率眾數萬自上邽將攻石生于長安次于

仲橋是也水經注鄭渠東逕宜秋城北又東逕中山南

又東徑截薛山南池陽縣故城北按通鑑永和八年杜洪張琚屯宜秋五月秦主健攻張琚于宜秋斬之

雲陽

通典京兆府雲陽縣亦美陽縣地舊唐志貞觀元年改

石門為雲陽改雲陽為池陽武德元年分雲陽置石門八年廢雲陽

置改池陽復名雲陽元和志魏司馬宣王撫尉關中罷

縣置撫夷護軍後魏罷護軍更于今理別置雲陽縣地形

志縣屬北地郡故縣在縣西北三十八里縈紆曲折單軌纔通

上阪則平原宏敞樓觀相屬即趨甘泉宮道漢之甘泉

宮在縣西北八十里甘泉周迴十餘里去長安三百里

後漢書疏證卷十四

三

通天臺在甘泉宮中高三十五丈望雷雨悉在下長安志仲

山在縣西北四十里長安圖仲山在瓠口北通鑑永嘉五年劉曜與賈疋等戰于黃丘

曜眾大敗即雲陽黃嶽山

祓禊

地形志魏文帝分馮翊之郡祓禊置北地郡按此乃移北地民戶

于馮翊縣界為僑郡之始通典京兆府同官縣本漢祓禊縣苻堅于

祓禊城東北銅官川置銅官護軍後魏罷護軍置同官

縣元和志後周除金作此同字水經注銅官水出祓禊縣東北南注

宜君水長安志縣城周一里無城壁又華原縣本漢祓

禊之地今縣東北一里祓禊故城是魏文帝自今寧州

彭原縣界富平故城徙北地郡于此其縣遂廢西魏置
泥陽縣隋改爲華原土門山在縣東南四里水經注宜
君水出土門山西通鑑太元九年苻堅擊後秦軍于趙
氏塢後秦軍中無井秦人塞安公各偃同官水以困之
卽此

頻陽

元和志京兆府美原縣漢頻陽之地以縣西北十一里
有頻山秦厲山公于山南立縣故曰頻陽後魏別立土

門縣以頻山有二阜狀如門故曰土門唐改名曰美原

通典今縣是高宗分富平縣置

故城在縣南三里長安志周地圖記曰

後漢書疏證卷十四

四

川文志

符秦時于此置土門護軍水經注沮循鄭渠東逕當道
城南城在頻陽縣故城南頻陽宮也

萬年

舊唐志京兆府櫟陽縣隋萬年縣元和志按高帝旣葬
太上皇于櫟陽之萬年陵遂分櫟陽置萬年縣以爲陵

邑理櫟陽縣城中故樂陽城亦名萬年後漢省櫟陽入

萬年長安志後魏太和二十二年析萬年置鄠縣

地形志訛

爲鄠按水經注渭水又東逕鄠縣西蓋隴西郡之彰徙此

唐武德元年改爲櫟陽太

上皇陵在縣東北二十五里郡國縣道地記曰其陵在
東者太上皇在西者昭靈后也

地形志晉屬京兆通鑑建興三年隴進拔馮翊

太守梁肅
奔萬年

蓮芍

寰宇記漢蓮芍縣城在今華州下邽縣北二十二里後

秦姚萇廢魏太和三年改馮翊爲延壽蓮芍縣仍舊地

志無延壽郡隋志云舊置延壽郡隋大業二年省蓮芍入下邽

重泉

元和志京兆奉先縣本重泉縣後漢省西魏改置蒲城

縣開元四年以縣有豐山置睿宗橋陵改爲奉先寰宇

記宋改爲蒲城今縣五十里有重泉故城塹洛史記秦

簡公六年塹洛城重泉今沙苑長城是也又按三秦記

後漢書疏證卷十四 五

在蒲城東五十里按地形志華山郡華陰縣有重泉城

此華陰卽後改爲馮翊者也

臨晉

元和志同州馮翊縣本漢臨晉縣晉武帝改爲大荔縣後魏改爲

華陰縣大業三年改爲馮翊沙苑在縣南十二里周太

祖爲相國與高歡戰于沙苑大敗之其時太祖兵少隱

伏于沙草之中以奇勝之後于兵立之處人栽一樹以

表其功又朝邑縣本臨晉縣地大荔國在今縣東三十

步故王城是也長春宮後周武帝置大業十三年高祖

起義兵自太原舍于此宮寰宇記郡國記云同州所理

城魏自今奉先縣東北五十里李潤鎮分秦州置華州

理于此廢帝三年改爲同州其城後魏以後修築非漢

之臨晉縣也蓋取今朝邑界故臨晉城爲名縣西南三

十二里有漢懷德縣故城魏書宗室傳安定王燮除華州刺史表曰謹惟州居李潤

僅雖是少梁舊地晉芮錫壤然胡夷內附遂爲戎落請徙馮翊古城按古城則臨晉也魏畧曰建安中分馮翊

治晉通鑑義熙十二年初秦主興徙李潤羌三千戶于

安定興卒羌酋党容叛泓遣撫軍姚讚討降徙其酋豪

于長餘遣還李潤時姚宣鎮李閏參軍韋宗聞毛雍叛

說宣曰主上新立威德未著國家之難未可量也邢望

險要宜徙據之此霸王之資也宣從之帥戶三萬八千

後漢書疏證卷十四 六

弃李閏南邦邢望諸羌據李閏以叛東平公詔進討破

之劉昭解王城爲大荔戎王之城按僖十五年晉陰貽孫甥與秦伯盟于王城史記秦厲公伐大荔取其王

城在春秋後則穆公時之王城非戎王城可知始于班志云臨晉故大荔彪志沿其誤劉昭又復益其繆按前

書匈奴傳歧梁涇漆之北有義渠大荔烏氏胸衍之戎范書西羌傳洛川有大荔之戎洛川漢之郵縣唐之郵

州此大荔戎所居也全祖望曰大荔之戎亦名芮戎在北地而芮伯之國在臨晉其後大荔滅于秦種落蓋有

居于臨晉者漢人遂合芮戎芮伯之國而一之謂臨晉即大荔是大繆也水經注引竹書紀年曰晉武公元年

尙一軍芮人乘京苟人董伯皆叛匪直大荔故芮也此鄠氏辨後人多沿漢志之誤以此之芮邑爲彼之芮戎

其說獨有分曉

郃陽

元和志同州郃陽縣漢舊縣又夏陽縣漢郃陽縣地武

德三年分郃陽置河西縣乾元三年改爲夏陽

水經注郃陽城

北有澧水城南又有澧水與汾陰縣澧水夾河河中渚上又有一澧水皆潛相通也

通典河西

縣有姚武壁並在縣西北皆險固寰宇記姚武壁十六

國春秋苻堅二十一年慕容泓所敗叡死之苻史趙都

謝罪堅殺之苻懼奔渭北西州豪族率眾歸之推苻爲

盟主苻乃僭號于此蓋以武功立因名姚武壁

按通鑑苻奔渭

北馬牧當在安定新平郡間唐之涇原州地非郃陽

又地形志澄城縣有杏縣元

和志同州澄城縣漢徵縣後魏眞君七年分郃陽縣置

按此則後漢并徵縣入郃陽

通鑑太元十五年魏褐飛自稱衝天王

率氏胡數萬人攻安北姚當成於杏城雷惡地應之攻

後漢書疏證卷十四

七

ハヒリ

鎮東姚漢潯于李閏後秦主苻欲自擊之羣臣皆曰陛

下不憂六十里苻登乃憂六百里魏褐飛何也苻曰登

非可猝滅吾城亦非登能所猝拔惡地知畧非常若南

引褐飛東結董成得杏城李閏而據之長安東北非吾

有也乃潛引精兵一千六百赴之揭飛惡地有眾數萬

氏胡赴之者前後不絕苻每見一軍至輒喜羣臣恠而

問之苻曰褐飛扇誘同惡種類甚繁吾雖克其魁帥餘

黨未易卒平今烏集而至吾乘勝取之可一舉無餘也

褐飛等見後秦兵少悉眾攻之苻固壘不戰示之以弱

潛遣其子中軍崇帥騎數百出其後褐飛兵擾亂苻遣

鎮遠王超等縱兵擊之斬褐飛及其將士萬餘級惡地請降萇命姚當成于所營之地每柵孔中輒樹一木以旌戰功當成曰營地太小已廣之矣萇曰吾自結髮以來與人戰未有如此之快以千餘兵破三萬之眾營地惟小爲奇豈以大爲貴哉按此則姚武壁當是萇破魏褐飛處樂史所指非其事也

夏陽

通典同州韓城縣漢爲夏陽縣龍門山在此元和志龍門戍在縣東北極險峻後周于此置龍門關寰宇記今縣西南三里有夏陽故城水經注陶水南逕高門南又

後漢書疏證卷十四

八

川上

東南逕華池南池方三百六十步在夏陽城西北四里許故司馬遷碑文云高門華池在茲夏陽永嘉四年漢陽太守殷濟立按載記苻胤討慕容泓于華澤被殺當是此華池

衙

寰宇記彭衙故城在今同州白水縣東北六十里後漢安帝以上郡避羗寇寄理于此因省衙縣

粟邑

地形志白水郡白水縣有粟邑城元和志同州白水縣本漢粟邑縣之城故城在縣理西北二十八里又爲漢

衙縣地

右扶風

晉志獻帝時置雍州三輔拒西城皆屬焉魏文帝卽位仍以三輔屬司耀元和志後漢于漆縣置新平郡地形志新平郡後漢獻帝建安中置按劉昭引魏志曹公分關中置漢興郡國游楚爲太守今魏志無此文張旣傳裴松之引決錄注游楚爲漢興太守竊意漢興郡卽是廣魏郡廣魏晉之略陽劉昭所引既有脫誤復非三輔此雖無明文然以意知之

槐里

通典京兆府金城縣周曰大丘秦曰廢丘漢高帝更名槐里元和志金城縣至德二年改名興平史記正義引括地志在雍州始平縣東南十里寰宇記武帝割置茂

後漢書疏證卷十四

九

X〇二

陵縣以茂陵在此邑昭帝又割其地置平陵縣長安志槐里故城在興平縣東南十里周十二里崇二丈五尺晉始平郡治又小槐里李奇曰卽槐里之西城也東已有槐里城故以此爲小槐里按魏志楊阜轉武都太守太祖以武都孤遠欲移之阜前後徙民氏使居民京兆扶風天水界萬餘戶徙郡小槐里百姓襁負隨之又文學城武學城在縣東一十里二城並秦章邯築

安陵

地形志咸陽郡石安縣有安陵城長安志惠帝安陵在咸陽縣東三十五里臣瓚曰在長安北三十五里三輔

黃圖曰去長陵十里關中記曰徙關東倡優樂人五千戶以爲陵邑善爲啁戲故俗稱女啁陵也寰宇記安陵故邑周之程邑在咸陽縣東北二十里

平陵

元和志京兆興平縣本漢平陵縣魏文帝改爲始平

長安

志黃初初元年改馬嵬故城在縣西北二十三里馬嵬于此築

城以避難未詳何人按通鑑太元十九年秦主登自六

陌趣廢橋後秦始皇太守姚詳據馬嵬堡以拒之則其

始置之人當在是前水經注成國故渠北有漢昭帝陵

東南去長安七十里

長安志始平原在興平縣北二十里東西五十里南北八里東入咸

後漢書疏證卷十四

十

陽界西入武功界通鑑元康七年周處攻齊萬年千六陌胡三省曰六陌在馬嵬山西

茂陵

水經注故槐里之茂鄉長安志茂陵故城在興平縣東

北十九里周三里茂陵在縣東北十七里武帝建元二

年置茂陵邑後元二年葬關中記曰漢諸陵皆高十二

丈方一百二十步茂陵高十四丈方百四十步徙民置

縣者凡七長陵茂陵各萬戶餘五陵各千戶陵縣屬太

常不隸郡也守陵漑樹掃除凡五千人元帝時三輔七

十萬戶始斷不復徙民陪陵

按自元帝以下陵悉在長安

三輔舊事

曰武帝于槐里茂鄉徙戶六萬一千置茂陵縣

十道志曰武帝

時以己徙戶居之
至宣帝時爲縣

鄠

元和志京兆府鄠縣後魏屬京兆後遂因之雞頭山在

縣東南三十一里偽趙主石生不能守長安欲西上隴

士卒散盡遂入雞頭山尋爲追兵所害咸和七年通鑑注以爲在成州

上祿又以爲原州平高皆八九百里太遠又石生爲偽趙河東王非偽趙主寰宇記自漢至

隋皆以鄠城置縣卽今縣北二里故城是其城周四里

頽垣尙在長安志漢陂在縣西五里出終南諸谷合朝

公泉爲陂十道志曰有五味陂陂魚甚美因誤名之按說

文漢自是水名

後漢書疏證卷十四

士

鄠

元和志今鳳翔府鄠縣東一十五里有故城縣理城亦

曰斜谷城城南當斜谷因以爲名斜谷南曰褒北曰

曰斜水經注渭水東逕鄠縣故城南魏春秋諸葛亮寇

鄠司馬懿據鄠拒亮卽此縣按魏志郭淮傳青龍三年

諸葛亮相出斜谷並田于蘭坑水經注建安水東逕蘭坑城北建安城南其地當在

天水是時司馬宣王屯渭南淮策亮必爭北原宜先據

之遂屯北原塹壘未成蜀北兵大至淮逆擊之後數日

亮盛兵西行諸將皆謂欲攻西圍淮獨以爲此見形于

西欲使官兵重應之必攻陽遂耳其夜果攻陽遂有備

不得上

晉書宣帝紀帝曰亮欲爭原而不向陽遂此意可知也遣將軍胡遵雍州刺史郭淮共備陽遂

與亮會于積石臨原而戰亮不得進還于五丈原當在郿也

寰宇記積石原在郿縣

西北二十五里水經注云積石原卽北原

按前志有

整屋縣後漢省當并入郿與郿元利志云晉復立今晉

志無之則是魏立而晉省長安志司竹監在整屋縣東

南三十里晉地道記司竹都尉治郿縣其圍周百里以

供國古駱谷道漢魏舊道也南通蜀漢

元利志駱谷關在縣西南一百

二十

里魏少帝正始四年曹爽伐蜀諸軍入駱谷三百餘

里不得前進牛馬驢羸以轉運死略盡又甘露三年蜀

將姜維出駱谷圍長城亦此道其後廢塞

按晉書宗室傳勳爲梁州

後漢書疏證卷十四

七

刺史時石季龍死中國亂勳率眾出駱谷壁懸鉤去長安二百里則在東晉其道未廢塞

通鑑破趙

長城戍使治中劉煥攻長安新京北太守劉秀離又拔

賀城唐武德七年復開東北自郿縣界西南經縣入駱

谷出駱谷入洋州興勢縣界姜維嶺本名沈嶺在縣南

五十里延熙二十年大將軍姜維率眾出駱谷徑至沈

嶺

武功

通典京兆武功縣後魏爲美陽縣故城在今縣北七里

按自此以前其地北屬鞏城在今縣西南二十二里

長安志舊縣境有武功山斜谷水亦曰武功水則是縣

本以山水立名後漢永平八年自渭水南徙武功縣于故虢城寰宇記虢城一名武功城後魏太和十一年改武功爲美陽後周天和四年美陽還舊理建德三年別立武功縣于中亭川卽今縣理也水經注渭水于武功縣斜水自南來注之水出縣西南衙嶺山北歷斜谷逕五丈原東諸葛亮與步騭書曰僕前軍在五丈原原在刺武功西十里餘水出武功縣故亦謂之武功水是以諸葛亮表云臣遣虎步監孟琰據武功水東司馬懿因水長攻琰營臣作竹橋越水射之橋成馳去其水北流注于渭渭水又東逕馬冢北諸葛亮與步騭書曰馬冢在

後漢書疏證卷十四 三

武功東十餘里有高勢攻之不便是以留耳

按水經注又有一武

功與汧縣接云西武功俗以爲散關城褚先生乃曰武功扶風西界小邑也蜀口棧道近山無他豪易高者也此武功爲漢時鄉聚非縣也長安志引任安語以爲武功縣者蓋未細審酈注

陳倉

元和志鳳翔府寶雞縣本陳倉縣故城在今縣東二十

里卽秦文公所築魏畧云太和中將軍郝昭築陳倉城

適訖會諸葛亮來攻亮本聞陳倉城惡及至恠其整頓

聞知昭在其中以太原靳詳素與昭相親時詳爲亮監

軍使于城外呼昭喻之昭于樓上應詳曰魏家科法卿

所練也我之爲人卿所知曩時高剛坐守祁山不專意

雖終得全于今稍議不止我必死耳詳以告亮亮進兵雲梯衝車晝夜距二十餘日亮無利會費曜等救至亮乃引去按今城有上下二城相連上城是秦文公築下城是郝昭所築散關在縣西南五十二里三交城在縣西十六里司馬宣王與諸葛亮相距所築水經注渭水東入散關陳倉城今汧水對亮城是與昭相禦處也斜水自斜谷分注綏陽溪北屈陳倉入渭故諸葛亮與兄瑾書曰有綏陽小谷雖山厓絕險溪水縱橫難用引軍昔邈候往來要道通入今使前軍斫治此道以向陳倉足以板連賊勢不得分兵東行者也

寰宇記咸亨三年于縣東南開渠引

後漢書疏證卷十四

十四

渭水入昇原渠通船至京故城卽長安城漢惠帝所築在今故大輿城之西北苑中蜀志趙雲鄧芝爲疑軍據箕谷雲芝兵弱敵強失利于箕如胡三省據馮異傳在陳倉之南者是也

汧

元和志隴州汧源縣本漢汧縣地在汧水之北大震關在州西六十一里隴山亦在此寰宇記晉地道記云汧

縣屬秦國故城在今縣南漢置隴關西當戎翟今名大

震關後周置按水經注汧水有二源一水出縣西世謂之

小隴山按此乃吳嶽之旁山小支非天水之隴坻也張

衡四愁詩所云漢陽隴阪自在天水非此也寰宇記郁

夷故城後漢省蓋在今州西五十里大寧關側近汧水

源自關上隴盤紆屈曲逶迤而進詩周道倭遲韓作郁夷與縣名相符晉太康中曾于此置隴關縣又地道記

云郁夷省併郿蓋因王莽之亂郁夷之人權寄理郿界

因併于郿郿縣在西南汧縣在西北故郁夷不得併入郿縣又南由縣亦汧縣

地後魏孝明帝于縣西南由谷口置縣因為名長蛇

川在縣西一百步地形志武都郡南田縣由訛為田水經注長蛇成魏和平三年築徙諸流

隴寇

隴寇乘機至于隴

元和志隴州汧陽吳山二縣本漢隴麋縣地因今縣東

八里隴麋澤為名寰宇記今縣東古城是漢理之所通

後漢書疏證卷十四

五

×111

鑑永嘉六年南安赤亭羌弋仲東徙榆眉苻秦載記苻

雙据上邽苻武據安定叛于堅楊成世毛嵩為雙武所

敗乘勝至于榆眉即隴麋也

雍

元和志鳳翔府天興縣本雍縣秦國都回中宮在縣西

乾歸故城在縣西四十三里乞伏乾歸築石鼓文在縣

南二十里許石形如鼓其數有十其文史籀之迹也又

岐山縣亦漢雍縣之地五將山在縣西北六十里苻堅

為姚萇將吳忠所據之處通鑑義熙十一年赫連建將兵戰秦入新平廣平公弼與

戰于龍尾堡禽之胡云舊唐志鳳翔府岐山縣武德七年移治龍尾城即此苻秦載記寶衝

攻姚萇汧雍二城剋之斬其將軍姚元平張畧等
年登自雍攻萇將金温于范氏堡克之
十六元

栒邑

通典邠州三水縣漢栒縣地寰宇記栒邑故城在三水縣東二十五里古豳城在縣西南三十里與故栒邑城相去約五十餘里馬嶺山俗名箭箐嶺抵慶州界有馬嶺水出

美陽

元和志鳳翔府扶風縣本漢美陽縣地長安志美陽故城在武功縣西七里周太王城在美陽城西北中水鄉

後漢書疏證卷十四 去

通典京兆雲陽縣亦美陽縣地水經注渭水逕美陽縣又東洛谷水出

南山洛谷洛卽駱北流逕長城西魏甘露三年蜀遣姜維

出洛谷圍長城卽斯地也又芒水出南山芒谷按蜀志

姜維傳維率數萬人出駱谷徑至沈嶺時長城積穀甚

多而守兵乃少聞維方到眾皆惶懼魏大將軍司馬望

拒之按晉書宗室傳望時爲征西將軍此誤鄧芝艾亦自隴右皆軍于長

水維前往亡水皆倚山爲營望艾傍渭堅圍維數下挑

戰望艾不應是也亡水亦芒水之訛

漆

寰宇記邠州新平縣本漢漆縣按注水經云漆水自宜

祿縣界來又東過扶風漆縣北以水經驗之卽邠州所
理是漢志注云漆水在縣西今縣西九里有白土川水
東北流白土原東陳湯原西又東北流注于涇水或恐
白土水是漢之沮水按白土當是自土之轉但古今異
名耳今鳳翔府東北一百六十里麟遊縣東南亦有一

漆水南流與杜陽水合非漢之漆水也故舉此以明之

按此邠元所不能辨者其所引水經注今漆水注無此文元和志邠州永壽縣漢漆

縣之南界武德二年分新平縣南界于永壽原西置縣
興元元年又南移于順義店通典姚興將齊難故城在
縣西其南西北三面峻絕又有南豳故城後魏末置在

後漢書疏證卷十四 七

縣北莫營關在縣西南通鑑太元九年姚萇自將攻興

平初興平人殺其郡將秦主堅缺其城角以恥之新平

民望深以爲病欲立忠義以雪之及萇至新平太守苟

輔欲降之郡人遼西太守馮傑等諫於是憑城固守後

秦爲土山地道輔亦于內爲之或戰地下或戰山上後

秦之殂死者萬餘人輔詐降以誘萇萇將入覺之而返

輔伏兵邀擊幾獲之又殺萬餘人十三年秦主登就食

新平率眾萬餘圍襄營四面大哭萇命營中哭以應之

登乃退十四年登輜重于大界攻後秦右將軍吳忠等

于平涼克之據苟頭源以逼安定後秦主萇夜帥騎三

萬龔秦輜重于大界克之殺毛后及南安王尙按大界
當在新平也元和志苻堅墓在新平縣東南二里

姚萇
縉堅

于新平佛寺中苻登載記長安之將敗也堅中壘將軍徐嵩屯

騎校尉胡空各聚眾五千據險築堡以自固姚萇之害

堅嵩等以王禮葬堅于二堡之間通鑑太元十二年秦

主登進據胡定堡是也

杜陽長安一姑始婦人贈之文王延對風文王蔭覆不合

通典鳳翔府岐陽縣漢杜陽縣元和志鳳翔府麟遊縣

本漢杜陽縣地水經注武水發杜陽縣大嶺側東西三

百步南北二百步世謂之赤泥峴沿波厯澗俗名大橫

後漢書疏證卷十四

六

川七

水寰宇記大橫水在麟遊縣東南流又郡國縣道記云

杜陽在今鳳翔府北九十里普潤縣東南界已失其所

在又縣道記隴州吳山縣東南十五里卽岐山縣之西

南界有一故城彼人謂之文王城按周文王都鄆不台

于此更有城其城恐是漢杜陽縣又岐山縣東十九里

有杜陽谷內亦有杜陽故城二縣俱在扶風郡界

水經
注故

虢縣有杜陽山山北若據十三州志郡道里數卽隴州

有杜陽谷卽此谷

杜陽故城近之據漢志注云杜水南入渭卽普潤縣界

文王城近之

魏志裴潛傳出爲潁川典農中郎將奏通貢舉比之郡國由是農官進仕路泰通典魏武旣破黃巾欲經畧四方而苦軍食不足羽林監棗祗建置屯田于是以任峻爲典農中郎將募百姓屯田于許下得穀百萬斛郡國例置田官數年之中所在積粟倉廩皆滿又云典農中郎將典農都尉典農校尉並曹操置晉武帝泰始三年罷農官爲郡縣後復有之魏志任峻傳注使棗祗爲屯田都尉施設田業通鑑注典農中郎將秩二千石典農秩二千石所主如中郎按漢志邊郡有農都尉官主屯田魏主陳登傳注引先賢行狀登年二十五舉孝廉除

後漢書疏證卷十四

尤

又上三

東陽長州牧陶謙表登爲典農校尉其事在屯田許下之前當是農都尉沿後稱爲典農校尉耳曹氏特增置

內郡此是一代鉅典而地志脫畧良可惋惜魏晉時邸閣積穀此

典農之效循繹傳記猶可採掇又曹魏始議屯田許下則潁

川郡其發教之首也州郡志魏分潁川爲襄陽郡晉志

以爲泰始中置襄城郡元和志魏析潁川增置襄城郡

陽翟

元和志河南府陽翟縣鈞臺在縣南十五里水經注陽

翟縣城有郭奉孝碑志文于此縣下誤出襄有養陰里五字水經注引此志襄城有養陰

里明當在襄城縣下也

襄城

元和志汝州襄城縣春秋周襄王出居鄭地汜在今縣南一里以周襄王居此故名襄城

昆陽

通典昆陽城在今汝州葉縣北二十五里卽光武破王
玉尋之故所水經注汝水東南涇昆陽縣故城北京相
璠曰昆陽縣北有蒲城蒲城北有湛水

定陵

通典漢定陵故城在荊河州後爲蔡州郟城縣西北水經注

昆水逕定陵東注汝水汝水東逕奇雒城西北今南頓

後漢書疏證卷十四

三

川郡治通鑑建興元年石勒使孔萇擊定陵殺田徽薄

盛率所部降勒

舞陽

元和志許州舞陽縣本漢舊縣自漢至晉不改宋省開

元四年于故城重置

郟

通典荊河州郟城縣漢舊縣元和志光武謂賈復曰郟

最大宛次之復曰臣請擊郟帝執復手曰執金吾擊郟

吾復何憂謂此城也又袞信縣本郟城縣地

臨頓

元和志許州臨潁縣漢舊縣臨潁舉東西長五十里卽龍脾岡也嵩高山東南三百里有龍脾其地沃壤可以居卽此岡也今臨潁縣理在岡上通鑑建武元年漢趙帝國襲將軍華薈于臨潁殺之

潁陽

水經注漢封車騎將軍馬防爲侯國地形志陽城郡有

潁陽縣

潁陰

水經注舊許昌典農都尉治潁鄉城潁陰縣故城在東北後改爲縣魏明帝封侍中辛毗爲侯國地形志繁昌

後漢書疏證卷十四

三

川文

縣有潁鄉城又潁川郡潁縣有東西二武城博望城按

魏志黃初元年以潁陰之繁陽亭爲繁昌縣晉書趙王倫傳齊王

冏起兵討倫檄至倫遣張泓等率軍徑造陽翟據城保耶閣冏軍已在潁陰去陽翟四十里冏分軍渡潁攻泓等不利泓乘勝至于潁上夜渡潁而陣冏縱輕兵擊之諸軍不動而孫輔徐建軍夜亂徑歸洛泓悉其諸軍濟潁進攻冏營冏擊其別帥孫髦等破之泓等收眾還營成都王潁傳潁使趙襄石超等助冏攻張泓于陽翟泓等遂降

許

元和志許州許昌縣獻帝都許文帝受禪改爲許昌寰

宇記今縣南四十里許昌故城是按魏志黃初二年改

許縣爲許昌縣注云獻帝徙都改者誤水經注許昌城

內有景福殿基魏明帝太和中造準價八百餘萬洧水東流過縣又東入汶倉城內俗以是水爲汶水故有汶倉之名蓋洧水之邱閣耳晉書載記左衛何倫右衛李暉聞東海王越薨奉如裴氏及越世子毗出自洛陽勒逆毗于洧倉軍復大潰執毗及諸王公卿士皆害之通鑑永和八年謝尙姚襄共攻張遇于許昌秦主健遣丞相東海王雄衡大將軍平昌王菁略地關東率步騎二萬救之戰于潁水之誠橋尙等大敗

新汲

通典漢新汲縣故城在許州扶溝縣西水經注新汲縣

後漢書疏證卷十四

三

川文人

漢宣帝神爵二年置于許之汲鄉曲洧城洧水南隄上洧水右迤爲護陂左迤爲鴨子陂謂之大穴口洧水自大穴口東南迤洧陽城漢建安中封司空祭酒郭奉孝爲侯國

晉書永嘉三年乞活帥李暉清盛等率眾救京師又破王瓚于新汲

陽陵

通典許州陽陵縣漢舊縣水經洧水自鄆陵東逕桐丘南俗謂之天井桐丘城去許昌故城可三十五里俗名之曰隄其城南卽長固洧水之北防也西南桐丘其城邪長而不方

晉書庾俊傳魏散騎常侍蘇林曰鄆陵舊五六萬戶聞今裁有數百

長社

通典許州長社縣漢舊縣有高陽里元和志許州長葛縣本長社縣地長箱城東魏武定五年清河王高岳率

眾圍西魏將王思政于潁川因築此城初以車箱爲樓

因名長箱城

寰宇記陳寔冢在縣西三十五里陳氏家傳云紀讎以下八十六墓三十六碑並在

長葛縣陞山之陽又有廟存

通鑑元嘉二十八年魯爽與弟秀從魏

主自瓜步還至湖陸請曰奴與南有仇每兵來常恐禍

及墳墓乞其迎喪還葬平城魏主許之爽至長社殺魏

成兵數百人帥部曲及願從者千餘家奔汝南請降二

十九年北伐魯爽至長社魏成主禿髮曠弃城走

水經注皇

曠卽古長社縣之濁澤也其曠北對鷄鳴城卽長社縣之濁城通鑑永寧元年齊王冏謀討趙王倫未發會離

後漢書疏證卷十四

三

狐王盛潁川處穆聚眾于濁澤百姓從之曰以萬數

陽城

通典河南府告成縣漢陽城縣有鬼谷卽谷鬼先生所

居水經注潁水東出陽關歷康城南魏明帝封尙書右

僕射衛臻爲康鄉侯此卽臻封邑按地形志孝昌中分

陽城置康城縣載記石勒使石生自延壽關出寇許潁

俘獲萬餘遂攻陷康城

父城

元和志父城故城在汝州郟城縣東南四十里大業三

年移父城于今郟城縣西北五里屬汝州四年改父城

爲邾城列本誤爲城父按潁川有父城縣沛國有城父縣後漢屬汝南此則潁川之父城也寰宇記引故殷時應國與彪志合非故夷之城父晉志父城縣屬襄城郡按隋志作

輔城水經注賈復城復南繫鄆所築俗訛謂之寡婦城

輪氏

通典河南府潁陽縣漢輪氏縣地後魏改曰臨武大唐

復改之故城在告城縣西南元和志作隋改爲武林按隋志則元和志爲是

和志大谷口在縣西北二十五里孫堅屯兵大谷距洛

陽九十里卽此谷大谷故關在縣西北四十五里何進

八關之一按彪志云輪氏建初四年置然前志本有輪氏縣當云建初四年復

補邾元和志汝州邾城縣漢屬潁川郡晉屬襄城郡又

後漢書疏證卷十四 音

龍興縣本漢邾縣地舊唐志證聖元年分邾城魯山置武興縣神龍元年改爲龍興縣

縣城本通鴟城卽後漢賈復城也後魏太和二十三年

孝文親征馬圈行至此城昏霧得三鴉引路遂過南山

故號通鴉城水經注藍水逕紀城西有層臺謂之紀氏

臺續漢書曰世祖車駕西征盜賊羣起邾令馮魴爲賊

延哀所攻力屈上詣紀氏羣賊自降卽是處在邾城東

北十餘里又白溝水南逕龍城西城西北卽摩陂也縱

橫可十五里魏青龍元年有龍見于邾之摩陂明帝幸

陂觀龍改摩陂曰龍陂城曰龍城按通鑑建安二十四

年魏王操自雒陽南救曹仁駐軍摩陂徐晃傳振旅還

摩陂太祖迎晁七里置酒大會是也按前志潁川本有
郟縣此志云十七城而僅十六縣則脫寫郟縣本紀建

武十七年有鳳凰見于潁川之郟縣說文郟潁川縣也

明未嘗省魏志滿寵傳關羽急攻樊城或謂曹仁可乘
輕船夜走寵曰關羽遣別將已在郟下自許

以南百姓擾擾羽所以不敢
遂進者恐吾軍持其後耳

汝南郡

晉志云魏置汝陰郡元和志魏文帝黃初三年于汝陰

縣立汝陰郡沈約魏收但言晉立者非也州郡志魏文

帝分立弋陰陽郡按魏志田豫傳太祖召豫為丞相軍

謀掾遷弋陽太守鄢陵侯彰征代郡以豫為相郡立于

後漢書疏證卷十四

五

建安之世沈志非也又李通傳太祖分汝南二縣以通

為陽安都尉事亦在建安劉昭注謂初平三年者非趙

儼傳袁紹遣使招誘豫州諸軍諸郡多受其命惟陽安

郡不動則爾時陽安自名郡魏畧稱李通領陽安太守

不知何時省入汝南元和志司馬宣王使鄧艾于此置
屯田按鄧艾傳時欲廣田畜穀為

滅賊資使艾行陳項已東至壽春艾以為田良水少不

足以盡地利宜通河渠所以引水澆溉大積軍糧左右

運漕之道又以為陳蔡之間上下田良可省許昌左右

諸稻田并水東下令淮北屯二萬人淮南三萬人十二
分休常有四萬人且田且守水豐常收三倍于西計除
厥費歲完五百萬斛以為軍資六年間可積三千萬斛
于淮上此則十萬之眾五年食也以此乘
吳無往而不克矣宣王善之事皆施行

元和志蔡州平輿縣本漢平輿縣地故城在汝陽縣東北六十里水經注平輿城南里餘有神廟世謂之張明府祠按桂陽先賢書讚臨武張熹字季智爲平輿令時天大旱熹躬禱雩未獲嘉應乃積薪自焚主簿侯崇小史張化從熹焚焉火既燎天靈應感卽澍雨

寰宇記石井臺在縣

西

新陽

通典漢新陽縣故城在荊河州

卽蔡州

真陽縣西南水經

注潁水南合交口新溝自是東出潁上有堰謂之新陽堰俗謂之山陽場非也新溝自潁北東出縣在水北今

後漢書疏證卷十四

美

無水故渠舊道而已

西平

通典荊河州西平縣漢舊縣寰宇記故西平城在縣西七十五里二十四陂在縣界並魏典農鄧艾所置也水經注晉太康地記曰縣有龍泉水可以砥礪刀劍特堅利通鑑建安八年曹操擊劉表軍于西平魏志郭嘉傳嘉曰袁紹二子急之則相持緩之而後爭心生不如南向荊州若征劉表者以待其變變成而後擊之可一舉定也太祖曰善乃南征軍至西平譚尙果爭冀州

上蔡

元和志蔡州上蔡縣本漢舊縣後魏神龍三年于此置

臨蔡縣隋移于今理為上蔡縣寰宇記上蔡故城在縣

西南十里蔡岡在縣東十里周五十里水經注汝水又

東逕懸瓠城北王智深云汝南太守周矜起義于懸瓠

者矣今豫州刺史汝南郡治城之西北汝水枝別左出

形若垂瓠者彥云城北名馬灣按地形志豫州治懸瓠

城汝南郡上蔡縣州郡治而元和志于蔡州汝陽縣下

云州理城古懸瓠城寰宇記隋于上蔡縣東北別置汝陽縣是汝陽所始蓋即魏

之上蔡縣通鑑興寧二年燕李洪攻許昌汝南敗晉兵

于懸瓠地理通釋宋元嘉二十六年後魏攻圍汝南太守陳憲等拒四十餘日不拔而退宋明帝失淮

後漢書疏證卷十四 毛

北地乃僑立新蔡郡領固始一縣

南頓

寰宇記陳州南頓縣本漢舊縣東魏于此置和城縣隋

復為南頓縣按地形志南頓郡有南頓縣復有和城縣應分南頓縣置和城縣有高陽邱水

經注博陽縣故城在南頓縣北四十里王莽更名樂嘉

澹水于樂嘉縣入潁按博陽縣後漢已省久不稱魏志王

基傳毋巨儉文欽等作亂以基行監軍統許昌軍基以

為軍宜速進據南頓南頓有大抵閣計足軍人四十日

糧保堅城因積穀先人有奪人之心平賊之要也乃聽

進據澹水遂輒進據南頓儉等從項亦爭欲往發十餘

里聞基先到復還保項時兗州刺史鄧艾屯樂嘉儉使
文欽將兵襲艾基知其勢分進兵徧項儉眾遂敗前書
恩澤侯表丙吉封博陽侯在南頓或其故城仍名樂嘉
也

汝陰

元和志穎州汝陰縣本漢舊縣古任城在縣北一里陳

將任蠻奴伐齊于穎水北岸築城以圍汝陰

寰宇記穎州萬壽縣

本汝陰縣百尺鎮開寶六年為縣高貴鄉縣南十七里

汝陽

寰宇記陳州商水縣本漢汝陽縣地隋廢郡以縣入陳

後漢書疏證卷十四

三

川多十

州開皇十六年改為澗水縣方輿紀要故城在商水縣

西北水經注汝水別瀆東逕公路臺北臺臨水方百步

袁術所築汝水別瀆又東逕西城門卽南利也縣北三

十里有孰城號曰北利故瀆出于二利之間關女陽

之縣世名之死汝

新息

通典荆河州新息縣漢舊縣元和志新息故城在縣西

南十里王梁渠在縣西北五十里隋仁壽中修築開元

中縣令薛務更加疏導兩岸通官陂一十六所利田二

千餘頃水經注淮水東逕浮光山北亦曰扶光山卽弋

陽山也山俯映長淮每有光輝淮水東逕新息縣故城南有新息長賈彪廟前有碑

北宜春

通典漢北宜春縣故城在今河州汝陽縣西南水經注

豫章有宜春故加北

按前志無北字

地形志義陽郡真陽縣有

宜春城

潁強

一統志潁強故城在許州府臨潁縣東魏志曹仁傳太

祖與袁紹久相持于官渡紹遣劉備徇潁強諸縣舉眾

響應之徐晃傳與曹洪擊潁強賊祝臂破之

隋志潁川郡有潁強縣

後漢書疏證卷十四

五

濯陽

地形志汝南翟陽縣二漢晉為濯陽有翟陽城元和志

蔡州吳房縣隋改為濯陽

刊本訛為濯

按水經濯水出汝南

吳房縣西北與山東過其縣北入于汝以是推之地形

志之濯陽縣即吳房縣地其濯陽城則漢縣也

期思

通典光州殷城縣漢期思縣地

寰宇記并入固始

元和志定城

關在縣南四十里高齊以南迫陳境因置此關

陽安

通典荆河州朗山縣有道城即道國也按彪志言陽安

道亭故國則明山縣漢陽安縣地元和志言本漢安昌縣地按安昌東京已省不得復指爲安昌縣地魏志李通傳通爲陽安都尉袁紹遣使拜通征南將軍劉表亦陰招之通皆拒之又擊羣賊瞿恭等皆破殲其眾遂定淮汝之地

項

元和志陳州項城縣漢項縣隋文帝改項縣加城字東晉孝武時秦將苻融攻陷壽春苻堅捨大軍于項城輕騎入兼道赴之時有謠曰堅不過項堅出令曰敢言吾在壽春者拔其舌眾諫不從堅遂敗晉書宋序傳堅遣序說謝石稱

後漢書疏證卷十四

三

XXXI

已兵威序反謂石曰若堅百萬之眾悉到莫可與敵及其未會擊之可以得志武邱本名邱頭在縣東南四十里水經注潁水又東逕丘頭丘頭南枕水魏書郡國志曰宣王軍次丘頭王凌面縛水次故號

武丘按魏志有毋丘儉傳正元二年儉與文欽舉兵反迫脅淮南將守諸別屯者及吏民大小皆入壽春城儉欽自將五六萬渡淮西至項儉堅守欽在外爲游兵大

將軍

司馬師

統中外軍討之別使諸葛誕督豫州諸軍從

安風津擬壽春征東將軍胡遵督青徐諸軍出于譙宋之閒絕其歸路大將軍屯汝陽使監軍王基督前鋒諸軍據南頓以待之令諸軍皆堅壁勿與戰儉欽軍不得

鬪退恐壽春見襲不得歸計窮不知所爲又諸葛誕傳
甘露二年誕反車駕東征至項大將軍司馬文王督中
外諸軍二十六萬眾臨淮討之大將軍屯丘頭使基及
安東將軍陳騫等四面合圍表裏再重壘甚峻使監
軍石苞兗州刺史州泰等簡銳卒爲游軍備外寇欽等
數出犯圍逆擊走之三年城破斬誕晉書文帝紀魏帝
命改丘頭曰武丘以旌武功水經注言司馬懿時改者
非通典元和志皆承其誤
通鑑永嘉五年王彌攻破洛陽與劉曜有隙引兵東屯
項關太和五年燕秦皆遣兵助袁瑾大司馬溫遣督護
竺瑤等禦之燕兵先至瑤等與戰于武丘破之

西華

後漢書疏證卷十四

三

四〇〇

據元和志陳州西華縣漢舊縣按隋志陳州西華縣舊

曰長平後漢屬陳國大業初改有舊長平縣舊唐志武德元

年改爲箕城景雲元年改爲西華復古名是唐之西華

非漢西華也通典項城縣漢西華縣則漢西華當併入

項城水經注西華縣北有習陽城潁水逕其南寰宇記
漢西華

城在商水縣西北
章懷後漢書注同

細陽

通典漢細陽故城在潁州汝陰縣西北水經注細水東

南積而爲陂謂之次塘公私引渠以供田溉

安城

通典漢安城縣故城在今荊河州汝陽縣東南地形志
三國時豫州治汝南安城

吳房

寰宇記吳房故城在蔡州遂平縣西南四十里故曰吳
房元和十二年以吳元濟叛改爲遂平縣仍移于文城
柵南新城置

鮑陽

通典漢鮑陽縣故城在荊河州新蔡縣北地形志司馬
衍併新蔡州郡志成帝咸康二年并新蔡水經注潁水東南左迤爲葛
陂陂方數十里東出爲鮑水俗謂之三丈陂縣有葛陵

後漢書疏證卷十四

三

城石勒載記勒攻掠豫州諸郡臨江而還屯于葛陵又
云勒于葛陂繕室宇課農造舟將攻建鄴會霖雨歷三
月不止張賓勸勒渡河北向據鄴

慎陽

通典荊河州眞陽縣漢慎陽縣梁白狗城戍城在此後
魏將堯雄曰梁之北面重鎮也寰宇記白狗城在縣西
南七十里地形志西淮州治白狗堆水經注窖陂水上承慎陽北陂
東北流積而爲土陂

慎

通典潁州潁上縣漢置慎縣地故城在今縣西北又有

故甘城梁置上蔡郡有關吳魏以來關防津濟之所
水 儉眾潰至慎縣藏水邊草中爲安風津民所殺卽此水經注慎縣故楚邑白公所
居以拒吳通鑑咸安元年袁瑾朱輔求救于秦秦遣武
衛將軍武都王鑿前將軍張蚝率步騎三萬救之大司
馬溫遣淮南太守桓尹南頓太守桓石虔等擊鑿蚝于
石橋大敗之秦兵退屯慎城

新蔡

元和志蔡州新蔡縣漢舊縣古呂國地形志新蔡郡治
四望城九域志新蔡縣有南殄寇鎮水經注潁水自葛
陂東南逕新蔡縣故城東而東南流注于汝有青陂東

後漢書疏證卷十四

重

川三三

對大呂亭漢靈帝建寧三年新蔡長河南緱氏李言上
請修復青陂司徒訓尙書臣龔奏可洛陽宮于青陂東
塘樹碑稱青陂在縣坤地源起桐柏淮川別流入于
潁浚逕新息嬙陂衍入褒信界灌漑五百餘頃

安陽

通典荆河州新息縣有漢安陽縣故城水經注大木水
西出大木山晉車騎將軍祖逖自陳留將家避難所居
本傳 其水東逕陽城縣北東入于淮淮水又東逕安陽
失載 縣故城南前志郡有成陽縣後魏因置成
陽郡 據此則後漢當入安陽縣

富陂

通典荆河州新蔡縣亦後漢富陂縣寰宇記後漢曾于

此立富陂縣刊本訛為葛陂縣通典又訛為舊陵縣按王霸傳注云富陂縣在今豫州水經

注和帝永元九年分汝陰置多陂塘以溉稻田故曰富

陂縣是和帝永元中纔有是縣然前志已有富陂縣而

王霸于建武十三年更封向侯則縣之省或在是時

宜祿

寰宇記陳州項城縣有宜祿城

朗陵

元和志漢朗陵縣故地在蔡州朗山縣西南三十五里

四望故城在縣東南七十里後魏太和十一年豫州刺

後漢書疏證卷十四

雷

州三

史王肅于四望陂南築之以禦梁梁太清二年豫州刺

史羊鴉仁以二魏交逼糧運懸絕乃并懸瓠歸于義陽

上表曰臣輒率所領縮還重鎮仍命夏紹等停四望城

防備卽此城也

地形志蔡州新蔡郡治四望城

弋陽

元和志光州定城縣本漢弋陽縣寰宇記故城在今縣

西二里水經注淅水出弋陽縣南垂山西北流歷陰山

關逕二城間舊有賊難軍所頓防又東北得詔虞水口

西北去弋陽虞丘郭二十五里又云柴水東逕黃城西

故弋陽縣也東北入于淮謂之柴口魏志賈逵傳為豫

州刺史馮鄴汝造新陂又斷水溜長谿水造小弋陽陂
又通運渠二百餘里所謂賈侯渠者也晉書桓溫傳遣
西陽太守滕駿出黃城討蠻賊文盧等

召陵

元和志召陵故城在蔡州鄆城縣東四十五里魏志黃
初六年行幸召陵通討虜渠按此應爲水經之蕩浪渠
注以爲百尺溝之別名

征羗

元和志征羗故城在蔡州鄆城縣東南七十五里水經
注故召陵之安陵鄉安陵亭按來歙傳以汝南之當鄉
思縣爲征羗國前志無當鄉縣傳文應誤出縣字也

後漢書疏證卷十四

羗

思善

水經注夏肥水東逕思善縣故城南漢章帝章和三年

分城父立

宋

方輿紀要潁州東八里有新鄴城按唐之潁州沈丘縣
當爲漢之宋縣地元和志以爲寢丘者非也寢丘自在
固始縣鄴丘與寢丘同邱因相習而誤水經注潁水東
逕丘頭細水注之東南逕宋縣故城卽所謂鄴丘者也
地志多引丘頭故事于沈丘縣下則爲宋縣地非寢丘
地明矣彪志云漢改爲新鄴王應麟曰蘇秦說魏曰南
有新鄴則非漢改是名 隸釋韓勅碑陰汝南

宋公國陳漢孔宙碑陰門生東郡衛公國趙恭知當時
二公國皆連縣籍與他縣爲侯國者異 寰宇記潁州
汝陰縣
有郟丘

褒信

元和志蔡州褒信縣本漢鄆縣之地後漢分立褒信縣

白亭在縣東南四十二里 按水經注白公所居
在慎縣唐潁上縣

原鹿

水經注谷水上承富水東逕原鹿縣故城北又汝水至

原鹿縣入淮所謂汝口

定潁

水經注漢安帝永初二年分汝南郡之上蔡縣置定潁

後漢書疏證卷十四 羹

縣

固始

寰宇記光州固始縣茹陂在縣東南四十八里魏志劉

瓚傳瓚爲揚州刺史廣屯田興治芍陂及茹陂七門吳

塘諸場

按前志甯應邵曰孫叔敖子所邑之甯丘也世
祖更名固始于淮陽國固始縣下師古又曰本

名甯楚令尹孫叔敖所封地是前漢有固始縣有甯縣
至光武移淮陽之固始併入甯耳非光武更名志旣不
了當而劉昭不能疏通反于陳國陽夏縣復
引汝南固始以証固陵轉益疑誤讀者矣

山桑

元和志亳州蒙城縣本漢山桑縣魏屬譙郡慕容紹宗

破侯景于此檀公城本漢山桑城宋將檀道濟爲征北

將軍居此寰宇記山桑地在縣北三十七里垂惠聚在
今縣西北二十八里南蒙城北蒙城并在縣北八十里
相去四十步皆自後魏孝文太和七年爲之通鑑永和
九年殷浩北伐以姚襄爲前驅襄引兵北行度浩將至
詐令部眾夜遁陰伏甲以邀之襄浩聞而追襄至山桑
襄縱兵擊之浩大敗奔輜重走保譙城胡三省曰山桑六朝爲渦陽之地
周嬰卮林闕
地水經注朗山東有垂惠聚世謂之禮城駟志曰山桑縣人俗貪僞好持馬鞭行邑故語曰沛國龍亢至山桑詐託旅使若奔喪道遇寇鈔遂失資糧

城父

元和志亳州城父縣宋志闕而有浚儀縣

按宋志陳留浚儀縣寄治

後漢書疏證卷十四 七

譙郡長垣縣開皇十八年以重名復改爲城父扶陽故城在

縣東北三十六里漢韋賢封邑按彪志以城父有章華

臺者新序云楚王起章華之臺爲乾谿之役乾谿在城

父縣後人誤以兩事合爲一事遂謂城父有章華臺元

和志亦云章華臺城父縣南九里者也按昭九年傳楚

公子弃疾遷許于夷實城父昭十二年楚子狩于州來

次于乾谿十三年被弑則城父靈王未嘗居之大城城

父寘太子建在昭十九年安得有章華臺乎故杜預據

楚都郢以爲華容縣者是也劉昭引彼華容注此城父

全乖疆域了無一語辨正知其陋矣

魏志武文王公傳太和六年封諸王皆以郡為國梁仍為國

下邑

元和志宋州下邑縣漢舊縣後漢無下邑縣此不知其所據或後

漢末魏復立焉故譙城在縣北三十一里祖逖屯淮陰會省

進據太丘城遂克譙城而居之謂此也按桓宣傳樊雅所據譙城當即

漢之譙縣宣遷譙國內史亦治于此非別有譙城也寰宇記今碭山縣即古下邑

縣城後魏明帝孝昌二年置碭郡于下邑城移下邑縣

于此即古之栗城也

後漢書疏證卷十四

三

睢陽

通典宋州宋城縣漢睢陽縣在此魏志盧毓傳毓將徙

民為睢陽典農校尉水經注睢陽城內有高臺甚秀廣

巍然介立超焉獨上謂之蠡臺晉太和中大司馬桓溫

入河命豫州刺史袁真開石門鮮卑堅戍此臺真頓甲

堅城之不果而還按通鑑永和九年殷浩遷姚襄于梁

國蠡臺升平四年燕太宰恪以吳王垂鎮梁國之蠡臺

皆是

虞

通典宋州虞城縣漢虞縣水經注獲水東逕虞城故城

北城東有漢司徒盛允墓碑允字伯世梁國虞人其先
爽氏至漢中葉避孝元皇帝諱改姓曰盛延燾中立

碭

元和志宋州碭山縣漢碭縣通典漢麻鄉故城在縣西
北水經注穀水上承碭陂陂中有香城城在四水之中

安山有陳勝墓卽碭北山也實字記宋屬單州

蒙

寰宇記宋州宋城縣小蒙城在縣南十五里六國時楚
有蒙縣俗爲小蒙城卽莊周之本邑今復有大蒙城在

縣北四十一里按水經注汜水東逕蒙縣故城北俗謂之小蒙城卽漢縣其大蒙城當是後魏

後漢書疏證卷十四 堯

時所治通鑑永嘉五年苟晞自倉垣徙屯蒙城石勒攻王

讚于陽夏擒之遂襲蒙城執晞鎖頸以爲左司馬

穀熟

元和志宋州穀熟縣漢于此置薄縣後漢改置穀熟縣

寰宇記魏文帝廢水經注渙水逕亳城北十三州志曰

漢武帝分穀熟置按前志無穀熟縣范書劉聖公傳光

武封更始子歆爲穀熟侯酈注是建武二年封似西京

已置穀熟縣寰宇記又云後漢廢熟城合爲穀熟縣益

誕而無徵竊意以章帝改菑爲考城之例推之此穀熟

乃本是山陽之菑鄉縣耳

寰宇記陽縣故城在宋州拓城縣北二十九里水經注

睢水東逕靈陵縣故城南歷陽縣北二城南北相去五

十里元和志鄆城在靈陵縣南五十二里鄭伯克段于此

靈陵

元和志宋州靈陵縣漢舊縣始基故城在縣南九十里

晉蔡州

避六帝宗諱

刺史祖逖督護衛策所築初乞活魁陳川

據陳留浚儀遣將魏碩于穀水南營逖遣策等追戰大破之因即立戍留守策曰從祖公北伐數年功始基于此因以為名仇留故城在縣南六十五里初陳川自始

後漢書疏證卷十四

罕

川名

基敗後遣將仇留伐鄆以逼蔡州祖逖遣衛策進戍谷

北高丘以禦仇留故呼為仇留城按祖逖傳陳川遣將

魏碩掠豫州諸郡大獲子女車馬逖遣將軍衛策邀擊

于谷水盡獲所掠者川大懼遂以眾附石勒逖率眾伐

川石季龍領兵五萬救川逖設奇以擊之季龍大敗

薄

寰宇記薄城在宋州穀熟縣西南三十五里今靈陵縣

界有葛城相去八十里

按彪志脫一湯字又水經注引崔駰云湯冢在濟陰薄縣北則

薄縣又嘗隸濟陰郡

隸濟陰郡

魏志袁渙傳爲沛南部都尉是時新募民開屯田晉志
魏武分沛立譙郡元和志魏黃初元年以先人舊邦立
爲譙國與長安許昌鄴洛陽號爲五都州郡志何承天
志云譙魏明帝分立按王粲詩朝入譙郡界曠然消人
憂粲是建安中事非明帝時立明矣

相

通典相縣故城今在徐州府符離縣西北

元和志西北九十里

經過水東北逕相縣故城其城卑小實中邊韶老子碑
文云老子楚相鄉縣人也相縣虛荒今屬苦故城猶存
在賴鄉之東過水處其陽疑卽此城

如碑文則漢季相縣已殆廢

後漢書疏證卷十四

望

睢水東逕石馬亭亭西有漢故伏波將軍馬援墓

蕭

元和志徐州蕭縣舊縣綏輿山在縣東二十里宋高祖

綏輿里人蓋因里名山通鑑永興二年東海王越帥甲

士三萬西屯蕭縣豫州刺史劉喬遣長子祐將兵拒越

于蕭縣之靈壁越不能進魏志鄭渾傳遷沛郡太守郡

界下濕患水滂渾于蕭相二縣界輿陂遏開稻田比年

大收頃畝歲增民賴其利刻石頌之號曰鄭陂

水經注獲水東

歷龍城地形志彭城郡有龍城寰宇記在蕭縣東三十里

豐

元和志徐州豐縣漢舊縣水經注泡水逕豐西澤謂之
豐水又東逕豐縣故城南水上舊有梁謂之泡橋王智
深宋史云宋太尉劉義恭于彭城遣軍主稽玄敬北至
城覘候魏軍魏軍于清西望見玄敬土眾魏南康侯杜
道備引趣泡橋沛縣民逆燒泡橋又于林中打鼓備謂
宋軍大至爭渡泡水水深酷寒凍溺死者殆半清水卽
泡水之別名也沈約宋書稱魏軍欲渡清水非也

鄆

寰宇記亳州鄆縣漢舊縣輿地志云魏以鄆縣屬譙唐

開元二十六年移于大梁南垣陽驛置之按彪志云有鄆聚劉昭引

後漢書疏證卷十四

聖

左傳冀爲不道入自南門伐鄆三門既謂水經注渙水其非此鄆而又欲証之所謂徒勞翰墨矣

東逕鄆縣故城南春秋襄公十年公會諸侯及齊世子

光于鄆今左傳作祖今其地鄆聚是也今續志作鄆聚蓋鄆

字之誤而劉昭不知也又云魏黃初中以鄆城父山桑

鈺置譙郡故隸譙隸釋沛相楊統碑鄆縣作贊字石勒載記祖逖卒勒

始侵寇邊戍征虜石他敗王師于鄆西執將軍衛榮而

歸征北將軍祖約懼退如壽春

穀陽

寰宇記穀陽城在宿州蘄縣東七十里按元和志後漢

苦縣晉城帝更名谷陽谷同穀晉志無穀陽縣應是省

入苦縣水經注渙水又東逕穀陽縣左會八丈故瀆又東逕穀陽戍南

地形志穀陽縣有苦城

譙

通典亳州譙縣魏黃初中文帝自譙循渦入淮有古焦城晉書桓宣傳祖逃出屯蘆州范雅據譙城逃以力弱求助于南中郎將王含含遣宣領兵五百助逃宣入說雅雅卽斬異已者出降未幾石勒別將圍譙城舍又遣宣率眾救逃未至而賊退逃留宣討諸未服者破之遷譙國內史水經注文帝以延康元年幸譙大饗父老立壇于故宅壇前樹碑碑題云大饗之碑

彪志刺史治譙地理通釋云魏

後漢書疏證卷十四

聖

刺史治項按賈逵傳逵爲豫州刺史是時州軍在項又云青龍中帝東征乘輦入達祠詔曰乍過項見賈逵碑像則豫州信治項也

浚

寰宇記浚城在宿州虹縣南七十八里卽漢浚縣垓下浚縣之聚落在縣西五十里

元和志縣西南五十四里

水經注浚縣

故城北有垓下聚浚水入淮

蘄

通典徐州蘄縣漢舊縣寰宇記艾子城在縣西十五里地形志蘄縣有艾子城按地形志蘄城羣廣平縣有艾平城其譙郡馬頭郡之蘄縣皆不言有此城樂史誤魏

志和夔傳袁術與橋蕤俱攻圍蕲陽蕲陽爲太祖固守
術以夔彼郡人欲脅令說蕲陽按夔傳云陳郡陽夏人
蕲屬沛郡則夔非郡人也或以後蕲縣度屬陳郡耳通
鑑建安二年曹操東征袁術術聞操來奔軍走留其將
橋蕤等於蕲陽以拒操操擊破蕤等皆斬之胡三省謂
沛國之蕲陽縣字衍者是也

沛

元和志徐州沛縣漢以此爲小沛魏分立譙郡又以沛
爲王國按漢末豫州刺史又權治于此蜀志陶謙表先
生爲豫州刺史屯小沛是也魏志備至下邳殺徐州刺

後漢書疏證卷十四

器

川上又

史車胃舉兵屯沛遣劉岱王忠擊之不克按于縣稱小
沛者以別郡也孔宙碑陰弟子沛國小沛周升是也亦
有單書沛者楊統碑陰故吏沛周儀是也水經注泗水
南逕小沛縣東縣治故城南垞上東岸有泗水亭漢祖
爲泗水亭長卽此亭也

魏志景初二年以沛杼秋公丘
彭城豐國廣戚并五縣爲沛王

國

銓

通典亳州臨潁縣漢銓縣寰宇記貞觀十一年遭水移
縣入銓城內北平城在縣西南五十二里注水經云山

桑邑俗謂之北平城

按水經注
並無此文

鄆

通典亳州鹿邑縣漢鄆縣地

元和志寔字記書皆訛為斬

水經注白

汀陂水東逕鄆縣故城南音多

蓋蘇林音多寒反此引之誤脫下二字也

建平

通典亳州鄆縣有漢建平縣故城在縣西北寔字記俗

名馬頭城地形志馬頭郡治建平城晉書謝萬傳萬受

任北征先遣征虜將軍劉建修治馬頭城自率眾入渦

潁以援洛陽按州郡志云馬頭郡故淮南當塗縣地晉

安帝立因山形立名明史地理志鳳陽府懷遠縣西南

有馬頭城

後漢書疏證卷十四

昱

臨睢

故芒縣

通典漢芒縣故城在今亳州永城縣北

元和志永城縣本芒縣地

水經注臨睢縣北與碭縣分水有碭山芒碭二縣之間山

澤深固多懷神智

竹邑

寰宇記徐州彭城縣有竹邑水經注睢水東南逕竹縣

故城南李奇曰今竹邑縣也睢水又東與澤湖水合

公丘

元和志公邱故城在徐州滕縣西南十五里夏侯嬰初

為滕令故號滕公按此時高祖未立屬縣故滕為秦縣

至武帝改爲公邱縣水經注公丘縣故城在滕西北城

周二十里內有子城按彪志云本膠國膠爲滕字之誤

龍亢

寰宇記龍亢城在亳州鄆縣西南十五里又云在宋州穀熟縣西南

五十里水經注過水又東南逕龍亢縣故城南屈而南流

出石梁之石崩禿夾岸積石高二丈水歷其間又東南

流逕荆山北而東流注也魏志太祖兵少與夏侯惇等

詣揚州募兵刺史陳温丹陽太守周昕與兵四千餘人

還到龍亢士卒多叛至銓平復收兵得千餘人

向

後漢書疏證卷十四 巽

水經注北肥水東南逕向縣故城南京相潘曰向今并

屬譙國龍亢

符離

元和志宿州符離縣本舊縣爾雅曰莞符離也以地多

此草故名靈璧故城在縣東北九十里寰宇記在縣元西北八十里

和四年以其地南臨汴河有埭橋爲舳艫之會運漕所

歷防虞是資有詔割符離蘄縣及泗州之虹縣置宿州

虹

元和志宿州虹縣本漢舊縣虹音貢梁武帝于此置貢

城成赤坎故城在縣西南五十九里梁天監八年置赤

坎戍寰宇記漢虹縣城在今縣南一百里魏初屬汝陰郡按魏志景初二年分沛國蕭相竹邑符離蕪銓龍亢山桑浚虹十縣爲汝陰郡然汝水入淮此十縣皆非汝水所經又晉志汝陰郡所隸之縣皆故屬汝南無一縣相同不知陳壽何以名爲汝陰郡茲因寰宇記亦引之故附識于此

通典漢夏邱縣城卽今虹縣城

太丘

通典亳州永城縣有漢太邱縣故城在西北水經注太丘故敬邱漢明帝更從今名祖述傳述進據太丘樊雅遺眾夜襲逃遂入壘拔戟大呼直趨逃幕督護董昭與

後漢書疏證卷十四

望

賊戰走之

寰宇記太邱城在亳州鄆縣東北七十里

杼秋

寰宇記杼秋城在徐州蕭縣西北七十五里英雄記奉

韓暹寇徐揚間劉備誘奉與相見因于堂上執之暹失

奉勢孤欲走還并州爲杼秋屯師張宣所邀殺

彪志云有澶淵

聚劉昭引襄二十年之盟以當之趙一清曰春秋有澶淵襄二十年盟于澶淵杜預曰在頓丘縣南今名繁汙此衛地又近戚田二十六年傳會于澶淵以討衛彊戚田此衛之澶淵也三十年會于澶淵宋災故說文澶淵水在宋是爲宋地此當引襄三十年傳方合地理

陳國

元和志獻帝末陳王寵爲袁術所殺國除爲陳郡曹魏

復爲陳國以東阿王植爲陳王子志徙封濟北又爲陳郡按魏志張遼自居巢還屯陳郡則建安時爲郡也

晉志

合陳郡于梁國

陳

元和志陳州宛邱縣本漢陳縣固陵在縣西北四十三里項羽敗走固陵卽此通典宛邱縣有百尺堰水經注沙水東南逕東華城西又東南枝瀆西南達洧謂之甲庚溝又南與廣漕渠會上承龐官陂云鄧艾所開沙水又逕陳城東謂之百尺溝水次有大堰卽古百尺堰也魏書國志曰司馬宣王討太尉王凌大軍掩至百尺堰

後漢書疏證卷十四

巽

卽此塌也

陽夏

通典陳州太康縣漢陽夏縣

元和志縣理城卽陽夏縣城

水經注魯

溝水厯魯溝亭東南至陽夏縣故城西又南入渦石勒

載記破王讚于陽夏

陳留太守

獲讚以爲從事中郎苟晞傳

晞與王讚屯倉垣晞自倉垣徙屯蒙城讚屯陽夏

寧平

元和志漢寧平縣故城在亳州眞源縣西南五十五里

水經注沙水自百尺溝東逕寧平縣之故城南晉陽秋

稱太傅東海王越東奔

按文少薨于頃三字

石勒追之燼尺于此

數十萬眾斂手受害勒縱騎圍射戶積如山王夷甫死焉按載記勒引諸王公卿士于外害之重王衍清辨奇襄陽王範神氣不能加之兵刃夜使人排墻填殺之

苦

通典亳州真源縣古苦縣按晉志省陳郡入梁國省寧平入苦縣惠帝復分立陳郡通鑑永嘉五年石勒率輕騎追太傅越之喪及于苦縣甯平城是寧平省入苦縣也水經注過水北經老子廟東廟前有二碑碑北有雙石闕石闕南側魏文帝黃初三年經譙所勒闕北東側有孔子廟廟前有一碑是陳相魯國孔疇建和三年立

後漢書疏證卷十四 吳

川又十

柘

劉昭注引地道記云平城此卽甯平城之脫誤

元和志宋州柘城縣漢爲柘縣魏志注載操令曰封兼四縣食戶三萬何德堪之今上還陽夏柘苦三縣戶二萬但食武平萬戶則此四縣戶口之數可知也

寰宇記故柘城

在宋州寧陵縣南七十里

新平

寰宇記新平城在陳州宛邱縣東北二十五里唐武德元年復置新平縣八年省入宛邱

扶樂

通典扶樂故城在陳州太康縣北

寰宇記開封府太康縣西北四十里水

經注小扶城卽扶溝縣之平周亭和帝永元中封陳敬

王子參爲侯國大扶城卽扶桑故城城北二里有袁良

碑

碑見隸釋

云良陳國扶桑人世祖建武十七年更封劉隆

爲扶樂侯卽此城按隆傳作扶樂鄉侯攷前志祇有扶

溝縣屬淮陽國後漢扶溝改屬陳留郡此扶樂應卽扶

溝所分水經注可驗也范書阜陵王傳以汝南之長平

西華新陽扶桑四縣益淮陽國章懷注扶桑故城在今

陳州太康縣北扶桑是扶樂之誤然前志汝南實無扶

樂縣則范書云汝南者殆亦沿舊史而未細審也

王鳴盛所

後漢書疏證卷十四

辛

者商榷反據范書誤文以駁彪志妄也

武平

寰宇記武平故城在亳州鹿邑縣東北十八里曹操所

封邑水經注過水東逕鹿邑城北世謂之虎鄉城又東

逕武平縣故城北城西南七里許有漢尙書令虞詡碑

按前志無此縣樂史云後漢于今鹿邑縣東北十五里

置武平縣漢斬縣地也

魏志建安元年太祖軍臨武平袁術所置陳相袁嗣降

長平

通典陳州西華縣漢長平縣寰宇記閭倉城在縣東北

三十里集糧城在縣西十里魏使鄧艾營田築之貯糧

故名通鑑興寧元年燕鎮南將軍慕容塵攻陳留太守
袁披于長平汝南太守朱斌乘虛襲許昌克之

魯國

按魏時仍爲國晉書宗室傳宣帝弟誡馗爲魯相是也
彪志云高后改薛郡爲魯國者按前書楚元王傳交爲
楚王王薛郡東海彭城三十六縣是薛郡屬于楚又孝
惠紀二年齊悼惠王獻城陽郡以益魯元公主邑年表
所云高后元年初置魯國魯元王張偃是也本以城陽
郡爲魯國及高后崩以城陽爲齊國而魯廢又魯其王
傳景二年立爲淮陽王吳楚反破後徙王魯史記年表
後漢書疏證卷十四 五
所分楚復置魯國也則以薛郡爲魯國在孝景三年非
高后時也彪與班志皆誤

魯

元和志兗州曲阜縣本漢魯縣水經注魏黃初元年文
帝令郡國修起孔子舊廟置百石吏卒廟有夫子像列
二弟子執卷立侍漢魏以來廟列七碑二碑無字栝柏
猶茂孔廟東南五百步有雙石闕卽靈光之南闕北百
餘步卽靈光殿基寰宇記引彪志云魯古奄國此
訛古爲國刊本復誤空一格按彪
志云有牛首亭其地本無考劉昭引桓十四年宋人伐

鄭取牛首杜預明云東郊鄭郊牛首鄭邑水經注沙水

又東南逕牛首亭東宋人伐鄭東郊取牛首者也俗謂之車牛城如劉昭注書直是容易

騶

通典兗州騶縣漢舊縣地故邾國城在縣東南周迴十四里上冠危峰下屬岩壑窮險因之勝景水經注嶧山在鄒縣北山東西二十里高秀獨出積石相臨殆無土壤石間多孔穴洞達相通如數間屋俗謂之嶧孔遭亂輒將家入嶧外寇雖眾無所施害晉永嘉中太尉郗鑿將鄉曲保此山胡賊攻守不能得今山南有大嶧名曰郗公嶧晉書郗鑿傳元帝初鎮江左承制假鑿龍驤將軍兗州刺史鎮鄒山時荀藩用李述劉琨用兄子演並為兗州合屯一郡編戶莫知所適通鑑永昌元年郗鑿在鄒山為後趙所逼退屯合淝

後漢書疏證卷十四

奎

川又文

石勒載記石瞻攻陷晉兗州刺史檀斌于鄒山之

斌死

蕃

元和志徐州滕縣漢蕃縣寰宇記古小邾之國漢為蕃昌慮二縣地水經注京相璠曰薛縣澗水首受蕃縣西

注山陽湖陸

地形志有蕃郡

薛

通典漢薛縣占城在今徐州滕縣東寰宇記東南五十

里彪云六國時曰徐州按史記田敬仲世家追執簡公于徐州索隱曰徐音舒齊邑薛縣是也非九州之徐春秋作舒何屺瞻據彼改作徐按釋名徐州徐舒也土氣舒緩也則徐州作舒讀本同但一爲州名一爲邑耳無容改爲徐也

寰宇記孟嘗君家在滕縣南五十里

卞

元和志兗州泗水縣漢卞縣之地卽春秋之盧朶地隋分汶陽縣于此置泗水縣漏澤在縣東十七里此澤漏穴有五每夏積水秋冬漏竭將漏之時居人見之不過三日漏水俱盡先以竹木作薄籬圍之水族山積也水

後漢書疏證卷十四

垂

川文文

經注自此連岡通阜西北四十許里岡之西際便得泗水之源博物志曰泗出陪尾蓋斯阜者矣盜泉出卞城東北卞山之陰論語比考讖曰水名盜泉仲尼不漱晉書荀羨傳羨鎮下邳是時慕容蘭以數萬眾屯汴城甚爲邊害羨自光水水經注作洸水引汶通渠至于東阿以征之臨陣斬蘭按汴城當是此下城書與通鑑皆誤爲汴

汶陽

通典漢汶陽故城在今兗州泗水縣東南

寰宇記在縣西水經

注漢章帝元和二年東巡泰山立行宮于汶陽執金吾

耿恭屯于汶上城門基塹存焉世謂之闕陵城

通鑑太興三年羊鑑討徐龕頓兵下邳不敢前蔡豹敗
龕于檀丘龕求救于後趙胡三省曰檀丘在卞縣東南
補
蕃魏書楊昱傳蕭衍遣將軍王辨率眾侵寇徐州番郡
人續靈珍受衍平北將軍蕃郡刺史擁眾一萬攻逼番
城昱遣別將劉馘擊破之臨陳斬靈珍首王辯退走

後漢書疏證卷十四

後漢書疏證卷十四

番

09890

1 x 8

浙江書局刊
吳鴻望校

許碩儒校

樊熙校

